

समै & 12:25 hrs.

<><><><><><>

PM-Mann Ki Baat

प्रधानमंत्री नरेंद्र मोदी होरें आखेआ ऐ जे भारत नै इस बरें राश्ट्री सुरक्षा थमां लेइयें खेड्डें दे खेतर ते विज्ञान लैबोरेटरिएं थमां लेइयें दुनिया दे सभनैं शा बड्डे मंचें तगर हर थाहें पर अपनी मजबूत छाप छोड़ी ऐ। अज्ज आकाशवाणी पर अपने "मन की बात" कार्यक्रम दे राहें देशवासिएं कन्नै अपने बचार सांझे करदे होई श्री मोदी होरें बरें 2025 गी चेता करदे होई आखेआ जे इन्नै हर भारतवासी गी गर्व करने दे केई मौके दिते न। उंनैं आखेआ जे आपरेशन सिंदूर इस बरें हर भारतवासी लेई गर्व दा प्रतीक बनी गेआ। उंनैं आखेआ जे दुनिया नै साफ दिक्खेआ जे अज्जै दा भारत अपनी सुरक्षा कन्नै कोई समझौता नेई करदा। अज्जै दे अपने मन की बात कार्यक्रमै च प्रधानमंत्री होरें जम्मू-कश्मीर दे बारामुला दे बारै च बी गल्ल कीती जित्थे इक पुरातत्व विज्ञानी नै किश उच्चे टिब्बे दिक्खे जिंदे वैज्ञानिक शोध दे मगरा एह पता लग्गा जे एह टिब्बे इंसानें दे बनाए दे इक बड्डे ढांचे दे बचे दे हिस्से हे। प्रधानमंत्री होरें अगगे आखेआ जे कश्मीर थमां ज्हारां किलोमीटर दूर फ्रांस दे इक अजैबघरै च इक परानी ते धुंधली तस्वीर मिली ही ते बारामुला दी ओकड़ी तस्वीर च त्रै बौध स्तूप नजरी आवा'रदे हे। प्रधानमंत्री होरें खुशी जाह कीती जे कश्मीर दा शानदार इतिहास इस चाल्ली सामने आया ते एह इतिहास तकरीबन 2 ज्हार बरें पराना ऐ। उंनैं आखेआ जे कश्मीर दे जहानपोरा च एह बौद्ध परिसर लोकें गी कश्मीर दे इतिहास ते ओदी समृद्ध पंछान दा चेता दोआंदा ऐ। इस मौके बोलदे होई

प्रधानमंत्री होरें खुशी जताई जे स्वदेशी दे प्रति लोकें दा जोश साफ नजरी आवा करदा ऐ। उ'नें आखेआ जे लोक छड़ा उयै समेयान खरीदा करदे न जेहदे च कुसै भारती दा परसीना ते भारती मिट्टी दी खशबू होऐ। उ'नें जताया जे देश 2026 च नमिएं मेदें ते धेड़यें दे कन्नै अगगे बधने लेई तैयार ऐ। उ'नें मेद बुज्झी जे 2026 विकसित भारत गी पूरा करने दी जातरा च इक महत्वपूर्ण पड़ांs साबत होग। प्रधानमंत्री होरें 'मन की बात' कार्यक्रम दे माध्यम कन्नै सभनें देशवासिएं गी 2026 दिआं शुभकामनां दितिआं।

<><><><><><>

LG-House

उपराज्यपाल मनोज सिन्हा होरें रियासी जिले च हाल च आए दे चानचक्क हाड़ ते ल्हास-पस्सियां पौने करी पूरी चाल्ली तबाह होए दे 320 घरें दे निर्माण लेई नीह पत्थर रक्खेआ। एह घर एच.आर.डी.एस इंडिया दे सहयोग कन्नै बनाए जाडन। उपराज्यपाल होरें आखेआ जे प्रशासन हर प्रभावित परौआर गी राहत पजाने लेई कम्म करा'रदा ऐ। उ'नें आखेआ जे पिछले 5 बरें च जम्मू-कश्मीर नै ठोस, सामाजिक ते डिजिटल विकास पर खासा ध्यान दिता ऐ। उ'नें गलाया जे उंदी एह कोशिश ऐ जे पूरे जम्मू-कश्मीर दा तेजिया कन्नै पूरा पराता विकास होई सकै।

<><><><><><>

Jammu Marathon

जम्मू-कश्मीर पुलसै अज्ज जम्मू च 'रन फॉर युनिटी' मैराथन नांs दी लम्मी ट्रौड़ दा आयोजन कीता। जम्मू-कश्मीर पुलसा दे एडीशनल ड़ैक्टर जनरल आनंद जैन होरें तंदरूस्ती, एकता ते नशामुक्त जीवनशैली गी बढ़ावा देने दे मकसद कन्नै आयोजित इस लम्मी ट्रौड़ गी झंडी दस्सियै शुरू करोआया। सभनें उमी दे ज्हरां बद्दे लोकें बधी-चढ़ियै इस कार्यक्रम च हिस्सा लैता। इस मौके पर बोलदे होई ए.डी.जी.पी आनंद जैन होरें शारीरिक तंदरूस्ती, समाजी सद्भाव ते सेहतमंद जीवन दे महत्वै पर लोs पाई।

<><><><><><>

JK Anti Terror Ops

जम्मू-कश्मीर च बरें दी सभनें शा मती ठंडे आहली अवधि 'चिल्ले कलां' नै जित्थै इक बक्खी पूरे केंद्र शासित प्रदेश च ठंड बधाई दिती दी ऐ, उत्थै गै प्रदेश दे किश्तवाड़ ते डोडा जिलें च ठंडू दे बावजूद भारती फौज दियां आतंकवाद रोधी कारवाइयां बरोबर जारी न। बड़ी मती ठंड, कठन पहाड़ी इलाका, घने जंगल ते भारी बर्फबारी दे बावजूद फौज नै अपना अभियान तेज करी दिते दा ऐ तां जे उत्थे छप्पे दे आतंकवादिएं दा सफाया कीता जाई सकै।

<><><><><><>

J&K JKAACL

जम्मू-कश्मीर कला संस्कृति ते भाशा अकादमी आसेआ अज्ज संझा 4 बजे अभिनव थियेटर च शास्त्रीय ते लोक नाच संध्या दा सरिस्ता कीता जा'रदा ऐ जेहदा विशे ऐ "देश के रंग नृत्य के

संग”। आकाशवाणी दे जम्मू संवाददाता नै जानकारी दिती ऐ जे इस कार्यक्रम च नाच दिएं बक्ख-बक्ख शैलिएं, जिंदे च कथक, भारत नाटयम, ओडिशी, मणिपुरी ते केई चाल्ली दे लोकनृत्य बी शामिल न, दे राएं भारत दी सांस्कृतिक बन-सबन्नता दा शानदार छलैपा पेश कीता जाहग।

<><><><><><>

Weather

मौसम विभाग नै जम्मू-कश्मीर च कल्लै तगर अद्दे-दुब्बे तौरा पर बद्दल छाए दे रौहने दी पेशगोई कीती ऐ। 30 दिसम्बर गी किश थारें पर हौली बरखा ते बर्फबारी होने दी मेद ऐ- 31 दिसम्बर ते पैहली जनवरी गी बी केई सारी थाहरें पर हौली बरखा ते खास करी उत्तरी ते मध्य कश्मीर दी उच्चिएं धारें पर बर्फबारी होने दे आसार न। जम्मू खिते दे मैदानी इलाके च घनी थमां दरम्याने दर्जे दी धुंध पौने दी बी खबर ऐ।

<><><><><><>